



# RAPPORT 2020 - 2021

Strategiske innsatsområde

NORGES  
IDRETTSFORBUND  
Vestland idrettskrets



# INNHOLD

STATISTIKK	4
TILBAKEBLIKK	8
<u>SATSINGSOMRÅDA</u>	
LIVSLANG IDRETT	11
BETRE IDRETTSLAG	20
FLEIRE OG BETRE IDRETTSANLEGG	26

# Nøkkeltal

**2** Idrettens Hus



**11** årsverk



**1** styre

## ORGANISASJONEN



**53** særidrettar



**43** idrettsråd



**987** idrettslag (2020)



**200 422** medlemskap (2020)



**148** kurs og kompetansetiltak 2020

**182** kurs og kompetansetiltak 2021

**FØRDE**

**BERGEN**



# STATISTIKK

Vestland idrettskrets (VIK) er paraplyorganisasjon for i underkant av 1 000 idrettslag fordelt på 43 idrettsråd. VIK er den tredje største idrettskretsen i landet bak Viken IK og Oslo IK med tanke på talet på medlemmar, og berre Viken IK har fleire idrettslag enn Vestland IK.



Tala i tabellane og diagramma under er henta frå samordna rapportering og gir eit innblikk i omfang og aktivitet i fylket.

År	Talet på IL	Kvinner					Menn					Sum		
		0-5	6-12	13-19	20-25	26-	0-5	6-12	13-19	20-25	26-	K	M	Totalt
2016	1 002	4 497	30 628	18 500	8 217	31 743	4 226	33 021	22 834	12 846	56 555	93 585	129 482	223 067
2017	1 006	4 146	29 961	19 134	8 475	32 143	3 734	32 244	23 645	13 032	57 436	93 859	130 091	223 950
2018	994	3 991	30 344	19 010	9 527	32 823	3 727	32 156	22 778	13 151	57 622	95 695	129 434	225 129
2019	997	3 913	30 234	18 762	9 221	32 489	3 768	32 272	22 330	13 284	57 777	94 619	129 431	224 050
2020	987	3 161	27 442	16 835	8 576	29 134	3 192	29 554	19 782	12 339	50 407	85 148	115 274	200 422

Fig 1 Tabellen viser utviklinga i medlemskap i ulike aldersgrupper og talet på idrettslag i Vestland idrettskrets i åra 2016-2020.

År	Kvinner					Menn					Sum		
	0-5	6-12	13-19	20-25	26-	0-5	6-12	13-19	20-25	26-	K	M	Totalt
2016	3 554	30 192	16 823	6 602	22 344	3 089	31 689	20 431	10 603	43 504	79 515	109 316	188 831
2017	3 207	30 863	17 602	6 790	23 045	2 892	32 806	21 015	11 378	43 914	81 507	112 005	193 512
2018	3 232	30 814	17 938	7 269	22 631	2 892	31 769	20 372	10 857	42 561	81 884	108 451	190 335
2019	2 952	30 360	18 414	7 746	22 699	2 682	32 177	20 632	11 362	42 988	82 171	109 841	192 012
2020	2 422	28 726	17 219	7 580	21 813	2 482	30 231	19 598	11 765	41 546	77 760	105 622	183 382

Fig 2 Tabellen viser utviklinga i aktivitetstal i ulike aldersgrupper i Vestland idrettskrets i åra 2016-2020.

## Dei ti største idrettslaga





Fig 3 Diagrammet viser ei oversikt over dei ti største idrettslaga i fylket målt i medlemskap

## Dei ti største idrettane etter fotball




Fig 4 Fotball er den største idretten i fylket målt i aktivitetstal (51 700). Diagrammet viser dei ti neste idrettane med oppgitt aktivitetstal.




*Fig 5 Diagrammet viser utviklinga i %-andelen kvinner og menn med medlemskap i idrettslag i Vestland idrettskrets frå 2016 til 2020.*

**Kjønnsfordeling leiarar i IL**



**Aldersfordeling leiarar i IL**



*Fig 6 Figuren viser kjønnsfordelinga blant leiarar i idrettslag i VIK i 2021.*

*Fig 7 Figuren viser aldersfordelinga blant leiarar i idrettslag i VIK i 2021.*

## Allidrett




Fig 8 Diagrammet viser talet på aktive i ulike aldersgrupper i allidrettsgrupper i idrettslag i Vestland idrettskrets i åra 2015 til 2020.

## Aktivitetstal paraidrett




Fig 9 Diagrammet viser talet på registrerte parautøvarar i dei ulike aldersgruppene i idrettslag i Vestland idrettskrets i åra 2015 til 2020.

# TILBAKEBLIKK 2020 - 2021

*Frå 1. januar 2020 blei Sogn og Fjordane idrettskrins og Hordaland idrettskrets slått saman til Vestland idrettskrets. Styret har jobba ut frå ein klar ambisjon om å vidareføre det beste frå dei to tidlegare idrettskretsane til den nye idrettskretsen.*

## Koronapandemien

Ein del av ambisjonen var å ha jamlege dialogmøte med særkretsar/regionar og idrettsråd. Dessverre har dette vore blant tiltaka som vart skadelidande av koronapandemien, som slo inn over landet i mars 2020. Norsk idrett vart, som samfunnet elles, hardt ramma. Først og fremst fordi barn, unge og vaksne medlemmar ikkje lenger hadde tilgang til dei sosiale fellesskapa og aktivitetstilbodet i idrettslaga. Antal medlemmar i Vestland har vorte redusert med ca 10% under koronapandemien.

Sjølv om pandemien har skapt store utfordringar for den store idrettsfamilien også i Vestland, er styret både stolt, imponert og takksam for ansvaret, kreativiteten og lojaliteten idrettslaga har vist i denne krevjande tida. Situasjonen har ofte vore vanskeleg og har utfordra tolmodet hos idrettslaga, men likevel er det gjort ein enorm innsats for å redusere skadane av situasjonen så godt som mogleg. Dette gjeld alle dei aktive og dei mange tusen frivillige eldsjelene som brukar fritida si på å legge til rette for at dei gode verdiane som ligg i idretten skal kunne opplevast av så mange.

## Rammevilkår

I idretten vil vi at det å vere frivillig skal opplevast som eit meiningsfullt fellesskap, og det er viktig å anerkjenne den frivillige innsatsen. I Vestland er verdien på den frivillige innsatsen i idretten berekna til om lag 2 milliardar kroner årleg.

Styret har vore uroa for fråfall blant både aktive og frivillige, samt negativ utvikling av økonomien i idrettslaga, som ein direkte konsekvens av koronapandemien. Det har vore arbeidd politisk opp mot idrettsforbundet og overfor fylkeskommunen for å redusere skadeverknadane. Når det gjeld kommunepolitikarar har det vore arbeidd saman med idrettsråda for å nå fram med synspunkt. Vestland fylkeskommune var tidleg ute og forsikra om at dei stod for dei løfta om støtte som Vestland idrettskrets årleg mottek, noko vi er svært takksame for.

Arbeid for å betre rammevilkåra for idretten i fylket har vore eit overordna mål for styret. Anleggsutvikling, samt arbeidet for å redusere kostnadjar for idrettslag ved å bruke idrettsanlegg har vore viktige mål. Kommunane tilfører idretten i Vestland store ressursar i form av tilskot og ikkje minst bygging og drift av anlegg. Idrettskretsen vil rose dei kommunane som praktiserer gratisprinsippet når det gjeld bruk av anlegga.

## Nye satsingar

Gjennom hausten 2020 blei det innleia samtalar med mål om å styrke samarbeidet mellom dei tre idrettskretsane på Vestlandet innanfor områda idrettsutisme og arbeid med anleggsstrategi.

Styret vedtok å opprette eit ungdomsutval i idrettskretsen i 2020. Målet for utvalet er å styrke arbeidet for at ungdomsidretten skal vere i tråd med ungdom sine ønske og behov samt å auke ungdommen sin påverknad og medråderett i alle organisasjonsledd i idretten.

## Styremøte og representasjon

Styret har gjennomført 10 styremøte i 2020 og behandla 74 saker og 9 styremøte i 2021 og behandla 62 saker. Blant saker som har vore behandla:

- Høyringsinnspele:
  - Anleggspolitisk program, NIF
  - Utviklingsplan for Vestland fylkeskommune 2020-2024
  - Spelemiddelsøknad frå NIF til KUD
  - Planprogram for regional plan for kultur, idrett og friluftsliv 2023-2035 for Vestland fylkeskommune
  - Strategisk viktige anlegg for idrettskretsar og særforbund til NIF
- Fordeling av midlar til paraidrett
- Rekneskap og budsjett
- Langtidsplan/Strategiplan

## Representasjon

### 2020

- Stiftingsmøte Alver idrettsråd
- Stiftingsmøte Ullensvang idrettsråd
- Stiftingsmøte Sogndal idrettsråd
- Årsmøte Idrettsrådet i Bergen
- Årsmøte Alver idrettsråd
- Årsmøte Sveio idrettsråd
- Årsmøte Ulvik idrettsråd
- Orientering Hovudutval for kultur, idrett og integrering, Vestland fylkeskommune
- Leiarmøte NFF Hordaland
- Idrettsrådsrunde
- Skirenn og markering Markane IL
- Friidrettsstemne og seminar, Ulsteinvik

- Idrettens kvinnedag, Oslo
- Styremøte NFF Sogn og Fjordane
- Styringsgruppa Idrettscampus Bergen
- Digitalt informasjonsmøte for idrettsråd, særkretsar/regionar og idrettslag
- Innlegg for ordførarar i Vestland
- NIF leiarmøte
- Regionting NHF Region Vest
- Opning turnhall Skavøypoll IL
- NIF Leiarsamling
- Regionting NBBF Region Vest
- NIF Leiarsamling
- Møte Volleyballsatsing Hafstad vgs
- Utmerkinga for Årets Eldsjel i Vestland gjekk til Ruth Laberg frå IL Jotun

## 2021

- Møte for eigarane av Idrettens Olympiade AS
- Dialogmøte E-sport og gaming i Vestland
- NIF leiarsamling
- Idrettspolitisk arena for unge styremedlemmer
- Idrettsting, Norges idrettsforbund
- Krinstring Sogn og Fjordane Skikrins
- Møte med politiske parti
  - Senterpartiet Sogn og Fjordane
  - Vestland Høgre
  - Raudt Sogn og Fjordane, Førde
  - Senterpartiet Hordaland, Bergen
  - Fremskrittspartiet, Bergen
- Norsk Idrettspolitisk Arena (NIPA), Brekstad
- Dialogmøte Skei og Bergen
- NIF leiarmøte, Oslo
- Ekstraordinært Idrettsting, Oslo
- Idrettsseminar Masfjorden idrettsråd
- Anleggskonferanse, Bergen

- Idrettens Møteplass, Sogndal
- Kretsting Vestland Gymnastikk og Turnkrets
- Gloppen Handballklubb 50 år
- Årets eldsjel, Vestland sin fylkesvinnar
- NFF Sogn og Fjordane 100 år
- Utmerkinga for Årets Eldsjel i Vestland gjekk til Magne Sørestrand frå Eldar IL
- Årsmøte Osterøy IR
- Årsmøte Austevoll IR
- Årsmøte Sveio IR
- Årsmøte Luster IR
- Årsmøte Fitjar IR
- Årsmøte Ullensvang IR
- Årsmøte Stord IR
- Årsmøte Vaksdal IR
- Årsmøte Voss IR
- Årsmøte Eidfjord IR
- Årsmøte Idrettsrådet i Askøy
- Årsmøte Idrettsrådet i Bergen
- Årsmøte Alver IR
- Årsmøte Øygarden IR

I tillegg til denne lista har det vore gjennomført fleire idrettskretsleiarmøte og dialogmøte med Norges idrettsforbund, samt med Vestland fylkeskommune om saker av ulik karakter.

**Styret ynskjer å takke for ein formidabel innsats i idrettslag, særkretsar/regionar og idrettsråd gjennom to utfordrande år. Styret rettar ei stor takk til alle som bidreg for å skape trygge og gode oppvekstvilkår for barn og ungdom i Vestland.**



foto: Janne Landås

Delegasjon fra Norges idrettsforbund og Vestland idrettskrets i Åsane Arena.  
Idrettsstyremedlem Marco Elsafadi (til venstre), idrettspresident Berit Kjøll, leiar i Vestland idrettskrets Nils R. Sandal og idrettsstyremedlem og leiar i ungdomsutvalet i Vestland idrettskrets Sara Stokken Rott.



*Styret med opprop:  
"Idretten må være et trygt sted for alle" 2021.*



*Styret deltok digitalt på Idrettstinget mai 2021.*

## Kretsstyret



Nils R. Sandal  
Leiar



Anne-Grethe Naustdal  
Nestleiar



Jarl Svanberg  
Styremedlem



Aina M. Steinsland  
Styremedlem



Oddny Grete Njøten  
Styremedlem



Lilly Schøyen  
Styremedlem



Robert André Teikari  
Styremedlem



Janne Landås  
Tilsettes representant



Trond Olav Magnussen  
Varamedlem



Tone Stayland  
Varamedlem

## Kontrollutval

Medlem	Terje Gjertsen, Førde IL
Medlem	Marit Pedersen, Bergens Svømme Club
Varamedlem	Svein Brunvatne, Lysekloster IL
Varamedlem	Bjørg Hildur Eikum Tang, Sogndal IL

## Valkomit 

Leiar	Andris Hamre, Os Turnforening
Medlem	Yngve Thorsen, Førde IL
Medlem	Cecilie Thaule L��vlid, Sogndal IL
Varamedlem	Linda Arnesen, L��v-Ham H��ndball

## Administrasjon

Knut Songve Organisasjonssjef	Heidi Hatlen R��dgjever organisasjon	Narve Heggheim R��dgjever anlegg	Anne-Kristine Aas Seniorr��dgjever/ prosjektleiar	Bodil Ryste R��dgjever idrettsfag	Martin Uthaug R��dgjever klubbutvikling
Grethe Hillesstad R��dgjever	Thea Lunde Christiansen Fagkonsulent Paraidrett	Ole Nilsen Økonomikonsulent	Erling Benjaminsen Økonomikonsulent	Janne Land��s R��dgjever kommunikasjon	Susanne H. Mikalsen Vikar paraidrett 20.10.20 - 01.09.21

# LIVSLANG IDRETT

*For å nå målet skal idrettskretsen mellom anna tilby relevante og spissa kurstilbod av høg kvalitet for trenarar, leiarar og tillitsvalde. Innanfor livslang idrett kan ein rekne med følgande kurs:*

## Kurs tilrettelegging paraidrett

Kurset tek føre seg korleis ein kan legge til rette aktivitet slik at barn, unge og vaksne med ulike funksjonsnedsetjingar kan delta aktivt og oppleve idrettsglede. I 2020 gjennomførte VIK fire kurs der to av dei var fysiske og to kurs digitalt. Eitt planlagt kurs blei utsatt til 2021 pga koronasituasjonen.

## Barneidrettstrenaren

Aktivitetsleiarkurs barneidrett vart revidert i 2021, og endra namn til Barneidrettstrenaren. Rådgjevar for idrettsfag i VIK, Bodil Ryste, var gjennom fagteam barneidrett i NIF med i arbeidsgruppa som reviderte kurset. Kurset rettar seg mot trenarar for målgruppa 5-12 år på tvers av idrettar. På grunn av smittevernsrestriksjonar knytt til covid-19, var det fleire kurs som måtte utsetjast frå 2020 til 2021, og nokre vart tilpassa med delvis digital gjennomføring. Totalt har seks idrettslag gjennomført kurset lokalt (Bergen Kunstslokkubb, Bønes IL, Odda IL, Loen IL, Breimsbygda IL, IL Veten), og i tillegg har det vore eitt ope kurs i Bergen med deltakarar frå ulike idrettslag. Idrettskretsen samarbeider med delar av skulesekturen på gjennomføring. Gjennom prosjektet Aktiv-Vane gjennomfører ungdommar kurset og dei får relevant praksis i SFO på den barneskulen ungdomsskulen samarbeider med. Idrettskretsen underteikna i 2021 ein samarbeidsavtale med Høgskulen på Vestlandet, Campus Sogndal om gjennomføring av kurset på bachelorutdanningane innan idrett og friluftsliv. Nær 100 studentar gjennomførte kurset i regi av denne samarbeidsavtalen i 2021.

## Webinar om allidrett og for barneidrettsansvarlege

For å nå ut til mange idrettslag i heile fylket har idrettskretsen gjennomført fleire årlege temakveldar om rolla barneidrettsansvarleg og om allidrett. Rolla barneidrettsansvarleg skal oppnemnast av styret i dei idrettslag som organiserer idrett for barn 12 år og yngre. I desse temakveldane har ein i tillegg til faginnhald om barneidrettens verdigrunnlag, rolla og oppgåvene til den barneidrettsansvarlege, samt inkludering og økonomi som barriere, hatt med bidragsytarar frå ulike idrettslag i heile fylket.

## Delmål 1



Vere mangfaldig og tilrettelagt for alle aldersgrupper og nivå

Evalueringa har vist at mange ønsker at idrettskretsen skal halde fram med slike typar webinar då ein slepp reiseveg og at det er enkelt å delta.

*Idrettskretsen skal vidare motivere idrettslaga til å ha tilbod for alle aldersgrupper og nivå, og rettleie i tilrettelegging for ulike målgrupper. I tillegg støtte opp om idrettslaga sitt arbeid med å rekruttere aktivt frå grupper som lett kan falle utanfor, og tilby rettleiing, kurs og kompetansehevande tiltak som legg til rette for paraidrett.*

## #tilbaketilidretten-kampanjen

Våren 2021 oppretta Norges idrettsforbund ei arbeidsgruppe for å førebu at idretten skulle opnast igjen etter covid 19-pandemien. Vestland idrettskrets var representert i denne arbeidsgruppa. Det vart henta inn kunnskap om det faktiske fråfallet som følgje av pandemien, både frå utøvarar og frivillige. Innsikta ble nytta i kommunikasjonen for å synleggjere dei negative effektane av pandemien og for å støtta idrettslaga med nyopning, nyrekryttering og kommunikasjon med sine medlemmer. Det vart utarbeida materiell og rammer for ein kampanje i samband med markeringa av nyopninga av idretten. Målsettinga med denne kampanjen var å inspirere til idrettsglede, og få tilbake medlemmer som har valt å slutte som følge av koronapandemien.

Laurdag 25. september vart valt ut som ein dag der det vart satt særleg fokus på denne kampanjen. I Vestland vart det gjennomført arrangement i regi av idrettslaga både denne dagen og vidare utover hausten.

## Inkludering

Idrettskretsen har i samarbeid med NFF Hordaland og NHF Region Vest eigen stillingsressurs for inkludering. I dette arbeidet ligg mykje samarbeid på tvers av idrettsorganisasjonen og med offentlege instansar. Arbeidet rettar seg mot samfunns- og verdiarbeid med

å få alle med i idretten, med særskild hovudvekt på fleirkulturelle og økonomiske barrierar. Inkluderingsarbeidet er også eit samarbeid med Vestland fylkeskommune og særskilt Bergen kommune.

Inkluderingsarbeidet vart også prega av koronatuasjonen, og restriksjonar gav mindre aktivitet enn tidlegare år. Likevel har idrettskretsen fått utført mange tiltak. Eitt av innsatsområda har vore å utføre idrettslag til å sette fokus på lavterskelaktivitetar, open hall og enkle grep som idrettslaga kan arbeide med for å gjera idrettslaget meir opne for alle. I tillegg har idrettskretsen lagt til rette for fleire ulike gratis ferieaktivitetar i sommar på Stord, Askøy og i Bergen, med over 150 deltakarar både alderen 8-14 år og 15-20 år. Det har vore mottaksretta arbeid for spesielt barn og unge som bur eller har vore knytta til Stord mottak og Solbakken mottak i Florø. I vår fekk vi gjennomført ei veke med aktivitetsdagar for innføringsklassar i Bergen. I tillegg foredrag og møte med informasjonsformidling om idrett i Norge til spesielt ungdom og vaksne med fleirkulturell bakgrunn.

## Klubbesøk

Det har vore gjennomført færre fysiske klubbesøk desse to åra. I staden har vi satsa på webinar og digitale møteplassar. Vi har gjennomført webinar med ulike tema innan samfunn og verdiarbeid både hos idrettskretsen og saman med andre samarbeidspartar som NFF Hordaland og NHF Region Vest og Aktiv Saman-ressursgruppa. Vi har hatt eit ekstra samarbeid med idrettslag og ressurspersonar knytta til Sogndal IL, Askøy fotballklubb og Stord IL. I tillegg har vi hatt ekstra oppfølging av godt over 20 ulike idrettslag som har vore knytt til Lågterskel-tilskotsordninga til Vestland fylkeskommune.

## Feltarbeid

Feltarbeidet er samarbeid med barne og ungdomsskular i Bergen som har innføringsklassar. Ein feltarbeidar hjelper barn og unge med deltaking i idrettsaktivitetar. Vi har vore på åtte ulike skular, der det er alt frå 5-25 elevar per klasse. Vi har hatt mellom 5-8 ulike feltarbeidrarar og vi får ca 40-65 % av elevane ut i idrettsaktivitetar per klasse.



foto: Tove Lise Mossestad

## Samarbeid med andre aktørar

Aktiv Saman er eit samarbeid mellom Vestland fylkeskommune, Bergen kommune, DNT Bergen og Hordaland Turlag om inkludering i idrett og friluftsliv. Denne gruppa har i 2021 sett fokus på informasjonsformidling og samarbeid med frivilligheita og kommunar. Vi samarbeidar også med Kirkens bymisjon, Redd Barna, Norsk Folkehjelp og Røde Kors spesielt i Bergen, noko på Stord, men også i andre kommunar i fylket. Idrettskretsen samarbeider også med ulike Frisklivs- og meistringssentralar i fylket.

## Paraidrett

I perioden har fagkonsulenten innanfor paraidrett arrangert tverridretslege kurs, konferanse om paraidrett, samlingar og møteplassar og jobba for å synleggjere og informere om paraidrett. I tillegg har fagkonsulenten samarbeidd med andre viktige aktørar både i og utanfor idretten for å informere og rekruttere fleire til paraidrettstilbodet. Til trass for at nokon arrangement og aktivitetar har blitt avlyst og utsett som følgje av koronasituasjonen, har noko vore mogleg å gjennomføre digitalt. Det har vore gjennomført paraidrettsdagar og paralympiske samlingar i samarbeid med til dømes Helse Bergen, interesseorganisasjonar, særforbund/kretsar, idrettslag, og Olympiatoppen Vest. Det har også vore gjennomført kompetansehevande kurs om tilrettelegging for paraidrett retta mot idrettslag og trenrarar.

Det vart i 2020 gjennomført ein skuleturne der praurtøvaren Samul Ageze Kashafali fortalte si historie til elevar med fokus på paraidrett og moglegheiter innan idrett for alle. Skuleturneen besøkte 15 skular og det vart gjennomført 17 foredrag i Bergen, Alver og Masfjorden kommune. Til saman fekk ca 1380 elevar høyre foredraget. Turneen var i samarbeid med Olympiatoppen Vest.

I 2020/2021 har det vore gjennomført totalt 28 samlingar (tre av desse webinar) om paraidrett med totalt ca 400 deltakara på desse tiltaka. Tiltaka har vore for nye og eksisterande utøvarar, føresette og for idrettslag. Det har også vore samlingar for aktørar utanfor idretten som til dømes spesialisthelsetene sta, kommunetilsette frå fysioterapi og idrett med fleire. Det har blitt arrangert åtte tilretteleggingskurs paraidrett der to av desse kursa var digitale. Idrettslag har blitt følgt opp med ulike førespurnadar om para-idrett, alt frå hjel til å starte nye tilbod, kvar ein kan søke midlar, korleis inkludere paraklasse i arrangement, hjel til rekruttering med meir.

## Barn og unge med ulike tilretteleggingsbehov

Gjennom prosjektet Knutepunktet i Idrettsklynge Vest, har idrettskretsen vore ein av bidragsytarane til opparbeiding av nettstaden [www.tryggeutovere.no](http://www.tryggeutovere.no).

Med Trygge utøvere har ein som mål at barn med særskilte behov skal oppleve bevegelsesglede, meistring og tryggleik i fysisk aktivitet, slik at alle trivast på trening og opplever fellesskap med kvarandre. Nettstaden gir tips og råd til aktivitetsleiarar i idretten. I Knute-

punktet, og i samarbeid med Idrett Bergen Sør i prosjektet "Mega for alle", har idrettskretsen vore med på å utvikle kurs retta mot trenrarar og føresette i idretten om korleis ein kan legge til rette aktivitet for barn med usynlege behov. På grunn av smittevernsrestriksjonar har planlagte kurs med fysisk oppmøte blitt utsett fleire gonger.

Saman med møteplassen "Paraidrett - frå breidde til topp" i Idrettsklynge Vest, vart konferansen "Inkluderande idrettsliv" arrangert i november 2021. Vestland idrettskrets hadde her eit innlegg saman med Idrett Bergen Sør med tittelen "Inkludering i idretten for born og unge med usynlege behov".

## Idrettsmerket

Idrettsmerkearrangørane legg ned stor innsats år etter år og motiverer mange til fysisk aktivitet og trivsel, og legg til rette for viktige sosiale møteplassar. Idrettskretsen bidreg med informasjonsarbeid, registrering og oppfølging av arrangørar. Sjølv om idrettsforbundet gjekk over til elektronisk registrering i 2017, bidreg idrettskretsen framleis med registrering for dei som ønsker det. Tabellen under viser kor mange kvinner og menn som har tatt idrettsmerket i 2019 og 2020. Tal for 2021 er førebels ikkje rapportert inn.

År/fylke	Tal kvinner	Tal menn	Totalt
2019 Hordaland	172	240	412
2019 Sogn og Fjordane	65	84	149
2020 Vestland	154	218	372

Fig 10 Figuren viser Idrettsmerketakarar 2019-2020.

*For å nå målet om å vere mangfoldig og tilrettelagt for alle aldrar og nivå, skal Idrettskretsen også jobbe for godt samarbeid med idrettsråda, særkretsar og ulike offentlege instansar.*

## Idrettsråd

Alle kommunar skal ifølge NIFs lovverk ha eit idrettsråd (IR). IR er eit fellesorgan for idretten i kommunen, organisert gjennom idrettskretsane og underlagd NIFs lover og vedtekter. Idrettslag med medlemskap i NIF blir automatisk medlem i idrettsrådet i sin kommune. Idrettskretsane har service- og støtteoppgåver for idrettsråda og skal sørge for at det blir oppretta idrettsråd i kommunane. Idrettskretsen godkjenner òg idrettsrådet si lov.

I Vestland har vi 39 idrettsråd og fire kontaktidrettslag. Kontaktidrettslaga har IR sine oppgåver - ansvar for kontakt og samarbeid med sin kommune.

### Samarbeidsavtale idrettsråd og kommune

Vestland idrettskrets oppmodar idrettsråda til å inngå skriftlege samarbeidsavtalar med sin kommune. Mange idrettsråd i Vestland har no inngått slike avtalar. Desse avtalane klargjer viktige prinsipp og gjensidige krav og forventingar til samarbeidet mellom kommunen og idrettsrådet. I perioden har idrettskretsen hjelpt idrettsråda i deira arbeid. VIK har jobba for å tydeleggjere for kommunane idrettsråda si lovpålagde rolle og oppgåver som organisasjonsledd i idretten. Det har vore ei prioritert oppgåve for idrettskretsen å delta og bidra på idrettsråda sine årsmøte. Det er per 31.12.21 16 idrettsråd som har undertekna samarbeidsavtale med sin kommune, men fleire idrettsråd er i prosess med sin kommune om ein samarbeidsavtale.



*Ulvik IR og Ulvik kommune signerte samarbeidsavtale 01.12.20.  
F.v.: Terje Strømmen og Hulda Run S. Thorbjørnsen i Ulvik IR og  
Hans Petter Thorbjørnsen, ordførar i Ulvik kommune.*

Idrettskretsen deltok i perioden på 46 årsmøte i idrettsråda, der det totalt var registrert 916 deltakrar. I tillegg var idrettskretsen på 98 besøk i idrettsråda, med 649 deltakrar. I tillegg har det vore kurs i "idrettsrådets rolle og ansvar" og anleggskurs for idrettsråd. Sjå resultatmål for oversikt.

### Kurs og kompetansehevande tiltak retta mot idrettsråda

VIK har saman med idrettsråda gjennomført fellesidrettslege kurs og temadagar, i tillegg har det vore gjennomført relevante konferansar i samarbeid med idrettsråd som har ønskt det.

### Idrettsrådscruiset

Idrettsrådscruiset vart gjennomført 6.-8. mars 2020 på Fjordline og i Danmark med tema idrettsanlegg. Det vart gjennomført foredrag på båten, og besøkt anlegg i Tornhøy og Viborg i Danmark. På anleggsbesøka var det stort fokus på prosessane med utvikling av anlegga. Desse anlegga vart besøkt:

- Tornhøy, Østre Aalborg, kommunalt anlegg med betydelig frivillig drift.
- Streetmekka, Viborg, kommunalt eigd, drift av organisasjonen "Game".
- Hald Ege, Viborg, eksisterande idrettshall renovert, nytt tilbygg og nye facilitetar ute og inne.
- Skørping skolegård, innovativ skulegård med mange og varierte aktivitetar



foto: Janne Landås

*Streetmekka, Viborg*

Det var 55 deltagarar frå 16 idrettsråd, og 12 av dei deltagande idrettsråda stilte også med ordførar/varaordførar/utvalsleiar eller kultursjef frå kommunen. Deltakarane meldte tilbake om ein svært nyttig fagkonferanse og svært stor verdi at politkarar, administrasjon og idrett møtast for felles erfaring og læring.

### Samarbeid med offentlege instansar og på tvers i idrettsorganisasjonen

Gjennom året har idrettskretsen ei rekke møtepunkt med idrettsråda, særkretsane/regionane og ulike offentlege instansar. Samarbeid med det offentlege og på tvers i idrettsorganisasjonen står sentralt i mykje av arbeidet vårt, til dømes innanfor paraidrett og inkludering.

### Vestland fylkeskommune

Vestland fylkeskommune er idrettskretsen sin viktigaste samarbeidspart utanfor idrettsorganisasjonen. Idretten sorterer under ansvarsområdet til hovudutval for kultur, idrett og integrering i fylkeskommunen. VIK har hatt svært god dialog både på politisk nivå og administrativt nivå. Dette har vore ein styrke gjennom koronapandemien. Dei to ekstraløyvingane til særidrettane som fylkeskommunen fekk oppretta i samband med koronapandemien har vore viktige for idretten.

I perioden har VIK inngått en samarbeidsavtale med fylkeskommunen om berekraftig anleggsutvikling.

### Kontakt med stortingspolitikere

Idrettskretsen har i perioden hatt møte med flere politikarar på nasjonalt nivå. I forkant av stortings-

valet i 2021 vart det gjennomført fleire møte med politikarar frå ulike politiske parti. Kretsstyret valde å prioritere denne måten å ha kontakt med politiske parti på framfor å gjennomføre ein paneldebatt der ein samlar politikarar frå ulike parti i same arrangement. Bakgrunnen for dette er at det kan vere lettare å følge opp dialogen i etterkant av slike møte. Idrettskretsen set stor pris på at stortingspolitikarar har tatt kontakt i perioden for å diskutere ulike problemstillingar med relevans for idretten, og ikkje minst korleis rammevilkåra for idrett kan styrkast i Vestland.

### **Idrettspolitiske dialogmøte**

Det vart hausten 2020 lagt til rette for tre idrettspolitiske møteplassar der tillitsvalde i idrettsråd og særkretsar/regionar og idrettskrets møtte kvarandre for å informere og drøfte ulike saker. To av møta måtte utsetjast på grunn av koronasituasjonen, men eitt møte i Bergen vart gjennomført med 22 deltagarar.

Det vart i mai 2020 gjennomført eit digitalt informasjonsmøte for idrettslag, idrettsråd og særkretsar/regionar i Vestland, der koronapandemien, aktivitet og støtteordningar var hovudtema. 90 personar deltok i dette møtet.

I 2021 vart det gjennomført slike dialogmøte både på Skei med 15 deltagarar og i Bergen med 30 deltagarar.

### **Samarbeid med særkretsar/regionar**

VIK gjennomfører regelmessig samarbeidsmøte med daglege leiarar i særkretsar/regionar i Vestland. Andre døme er samarbeid i høve fellesidrettslege tema som klubbutvikling og to årlege møte med samordning av terminliste i aldersfastlagde klassar. Det er også tett samarbeid innanfor område som paraidrett og inkludering.

Hausten 2021 tok VIK initiativ til ei felles samling for alle tilsette ved Idrettens Hus i Førde og i Bergen samt NFF Sogn og Fjordane, som er lokalisert i Sogndal. Samlinga vart gjennomført på Voss med 50 deltagarar.

### **Idrettens Møteplass**

Arrangementet Idrettens Møteplass har vore gjennomført i Sogn og Fjordane idrettskrins sidan 2017, og vart gjennomført i Førde 24.10.2020 og i Sogndal 30.10.2021 med kring 110 deltagarar i 2020 og 120 deltagarar i 2021. På dette arrangementet har idrettskretsen eit samarbeid med særkretsane i ski, friidrett og orientering i Sogn og Fjordane, og legg til rette for felles foredrag og aktuelle møte, samt ei tverridrettsleg treningsamling for ungdom i alderen 12-19 år. I tillegg har idrettskretsen ansvar for samling for idrettsråd og kurstilbod for idrettslag/idrettsråd. Det fellesfaglege foredraget hadde i 2020 bidrag frå Olympiatoppen Vest, Antidoping Norge og Høgskulen på Vestlandet – under overskrifta «Livslang idrettsglede», og i 2021

bidrog Erlend Slokvik, sportssjef i Friidrettsforbundet og Heidi Holmlund, ernæringsrådgjevar i Olympiatoppen. [Fyldigare rapportar frå arrangementa her.](#)

### **Idrett og skule**

Idrettskretsen samarbeidar med Høgskulen på Vestlandet i Bergen om Praksis i frivillig idrettsliv, der idrettskretsen har ansvar for å skaffe studentane praksisplass i idrettslag, samt å følge opp studentar og betale idrettslaga med midlar frå Høgskulen på Vestlandet. I 2020 var det 22 studentar i praksis i 10 ulike IL og i 2021 var dei tilsvarande tala 43 studentar og 21 IL. I samarbeidet inngår også undervisning på Høgskulen for Bachelor idrett-studentar.

Saman med Idrett Bergen Sør har idrettskretsen ansvar for å kurse SFO-tilsette og ungdomsskuleelevar i Bergen kommune, lage aktivitetstilbod og følgje dei opp i tiltaket AktiVane. Tiltaket er finansiert av Bergen kommune og dette samarbeidet er sikra gjennom ein avtale mellom Byrådsavdeling for barnehage, skole og idrett og idrettskretsen. Det er no 27 barneskular og 16 ungdomsskular med i tiltaket. Aktiviteten desse to åra har vore prega av pandemien og det er kun gjennomført sju kurs med til saman 112 deltagarar.

Idrettskretsen deltok i 2020 i arbeidsgruppa for toppidrett i vidaregående skule i regi av Vestland fylkeskommune.

### **Idrettscampus Bergen/Idrettsklynge Vest**

Idrettscampus Bergen skal styrke samhandlinga kring idrett, fysisk aktivitet og folkehelse i Vestland, gjennom å etablere møteplassar for kompetanseutvikling og formidling. I april 2021 vart ny samarbeidsavtale underskriven, og det ideelle aksjeselskapet Idrettsklynge Vest AS vart stifta. Vestland idrettskrets har representantar i fleire av Idrettsklynge Vest sine prosjekt:

- *Knutepunktet:* Ein arena der barn og unge får lyst til å vere fysisk aktive, til trass i helseutfordringar.
- *Styrke kroppsøvingsfaget og fysisk aktivitet i barnehage og skule:* Hovudmålet er å legge eit solid fundament for god fysisk og psykisk helse gjennom heile livsløpet.
- *Paraidrett frå breidde til topp:* Fagkonsulent paraidrett er leiar for gruppa. Målet er å legge til rette for at fleire med funksjonsnedsettning kan delta i idrett og fysisk aktivitet.
- *Aktive Gamere:* Legge til rette for tettare kopling mellom gaming, idrett og fysisk aktivitet. Utvikle modellar, auke kompetanse og skape møteplassar. Idrettskretsen skal ha fokus på idrettslag i dette arbeidet.

- Ungdomsråd på tvers:** Samla representantar frå ungdomsråda i dei ulike organisasjonane. Målet er å auke brukarmedverknaden frå ei viktig målgruppe.
- Fysisk aktivitet for eldre:** Nyetablert møteplass hausten 2021.
- Energikonsulent:** Gjennom møteplassen Knutepunktet i Idrettsklynge vest vart det sendt søknad til Stiftelsen DAM i 2020 om midlar til prosjektet «Energikonsulent- trygghet i overgangen.» 15. desember 2020 vart prosjektet, som har ei lengd på to år, tildelt 1 345 000 kroner. Vestland idrettskrets, Energisenteret for barn og unge samt Bergen kommune etat for barn og familie står bak søknaden. Energikonsulent skal sikre at barn og unge med tilretteleggingsbehov skal kunne delta og oppleve fellesskap i organisert aktivitet i sitt nærmiljø. Heilt konkret skal barn og unge ha møte med ein energikonsulent og finne passande aktivitet å delta på. Deretter blir energikonsulenten med på trening dei første gongene og sikrar difor ein trygg inngang. I 2021 vart det tilsett tre energikonsulenter hos dei ulike aktørane i prosjektet.
- Ein av desse er Vilde Næss Brodahl som er tilsett 40 % i Vestland idrettskrets.

## RESULTATMÅL

Talet på kurs, kursdeltakarar og klubbesøk  
(sjå også tabell under Betre idrettslag)

Type kurs/tiltak	2020	2021	
	Antal kurs	Antal kurs	Deltakarar 2021
Barneidrettstrenaren	5*	16	223
Fagdag idrett		Avlyst pga korona	
Idrettsrådet rolle og ansvar	2	2	11
Idrettsrådsbesøk	47	53	649
Anleggskurs idrettsråd		1	15
Leiarkurs for ungdom	1	0*	0
Digitale temamøte barneidrett	5	4	34
Tilrettelegging paraidrett	4*	4	85
Webinar: Paraidrett		2	
Webinar: IL, gaming og e-sport		1	15
<b>TOTALT</b>	<b>64</b>	<b>83</b>	<b>1 032</b>

Fig 11

\*Planlagte kurs/tiltak med fysisk oppmøte/praktisk aktivitet måtte i store delar av 2020 og 2021 utsetjast eller avlysast.

I tillegg til det som er opplista i tabell kjem temamøte eller klubbesøk i idrettslag som omhandlar spesifikke tema, til dømes paraidrett, økonomi som barriere eller inkludering.

- Evaluering av kurstilbod og gjennomførte kurs:** Det er gitt 90 evalueringar på 20 unike kurs. Snittscoren er 5,3 (skala 1-6).
- Utvikling i medlems- og aktivitetstal, samt tal på aktive med funksjonsnedsetjing og i allidrettsstilbod:**

Medlems- og aktivitetstal: Sjå statistikk

Tal 2020: Paraidrett: 1 349 parautøvarar. Fem idrettslag har registrert 13 parautøvarar som deltek på allidrettstilbod.

Tal 2021: Paraidrett 1 382 parautøvarar. Fem idrettslag har registrert 13 parautøvarar som deltek på allidrettstilbod.

Allidrett: 92 idrettslag tilbyr per 2020 allidrett, totalt 6 013 aktive i alderen 0-19 år. Flest i aldersgruppa 6-8 år.

Tal på gjennomførte møte på tvers av organisasjonsledda: Framgår av tekstdel, med informasjon om samarbeid med det offentlege i til dømes idrett-skule, paraidrett og inkludering, og på tvers av organisasjonsledda idrettsråd, særkrets/region og idrettslag.



foto: Thea Christiansen

## Delmål 2

Halde på fleire, lenger



*Her skal idrettskretsen mellom anna jobbe for at barn og unge møter eit mangfaldig, allsidig og koordinert idrettstilbod i nærmiljøet sitt.*

### Allidrett for barn 6-12 år og ungdom 13 – 19 år

Allidrett for barn og ungdom er eit varierte og allsidige aktivitetstilbod der barn får prøve fleire ulike idrettar i ulike miljø. Idrettskretsen godkjener nye allidrettstilbod, og handsamar søknadar om støtte til oppstart og utvikling av allidrettstilbod, samt utstyrsmidlar. Idrettskretsen har ei rådgjevande rolle overfor idrettslaga som tilbyr all-idrett, og har i perioden 2020-2021 gjennomført 4 digitale temakveldar om allidrett.

Støtte til oppstart eller utvikling av allidrettstilbod:

Idrettslag	Type støtte og deltakarar	Sum
<b>2020</b>		
Sogndal IL	Oppstart barn – fleire enn 50 deltakarar	kr. 16 000
Sogndal IL	Oppstart ungdom – færre enn 50	kr. 11 000
IL Solnut	Oppstart barn - færre enn 50	kr. 11 000
Fyllingen Basketballklubb	Oppstart barn - fleire enn 50	kr. 16 000
Austevoll Idrettsklubb	Utvikling barn	kr. 8 500
Austevoll Idrettsklubb	Utvikling ungdom	kr. 8 500
Odda IL	Utvikling barn	kr. 8 500
Odda IL	Oppstart ungdom – færre enn 50	kr. 11 000
Veten IL	Utvikling barn	kr. 8 500
Hardbagg IL	Utvikling barn	kr. 8 500
Tambarskjelvar IL	Utvikling barn	kr. 8 500
<b>2021</b>		
IL Gneist	Utvikling barn	kr. 8 500
Vadmyra IL	Oppstart barn - færre enn 50	kr. 11 000
Eid IL	Utvikling barn	kr. 8 500
Selbjørn IL	Utvikling barn	kr. 8 500
Fjon U og IL	Oppstart barn - færre enn 50	kr. 11 000
Sogndal IL	Utvikling barn	kr. 8 500
Sogndal IL	Utvikling ungdom	kr. 8 500
Eldar IL	Oppstart barn - fleire enn 50	kr. 16 000
Total sum for åra 2020 og 2021		kr. 196 500

*Fig 12*

### Treningssamling på tvers for ungdom

På Idrettens Møteplass legg idrettskretsen til rette for ei treningssamling for ungdom i alderen 12-19 år, på tvers av idrettar. Søkelyset er på basistrenings og å bli kjent på tvers av idrettane. I 2020 deltok 30 ungdommar på treningssamlinga i Førde og 50 ungdommar i Sogndal i 2021. Treningssamlinga inkluderer også korre fagforedrag, som til dømes med Antidoping Norge i 2020.

*Idrettskretsen skal også jobbe for å bidra til at ungdom kan utvikle seg som trenarar og tillitsvalde i idretten.*

### Ungdomsutval

I 2020 vedtok idrettskretsstyret å opprette eit Ungdomsutval, samt mandatet til ungdomsutvalet. Utvalet består av seks medlemmar, samt ungdomsrepresentant frå kretsstyret. Sara Stokken Rott er leiar av ungdomsutvalet, som mellom anna skal jobbe for at ungdom held på med idrett lenger, og vere idrettsungdommen si stemme i idrettskretsen i saker som omhandlar ungdom, i andre aktuelle saker, og i dei sakene kretsstyret ønsker å få ungdommane sine synspunkt.

2021 har for ungdomsutvalet vore eit år fylt med planlegging av prosjekt, arrangement og tiltak for å nå våre ambisjonar om «Idrettsglede for ungdom.» Utvalet har hatt store ambisjonar, god møteaktivitet og tett oppfølging av administrasjonen der vi har trengt det. Men pandemien har som for fleire deler av idretten satt ein stoppar for gjennomføringa av mykje av det vi har ønskt å få til.

Utvalet har derimot vore representert på fleire seminar og samlingar, blant anna Lillehammer Young Leaders Program og Olympisk akademi. Ungdomsutvalet hadde i 2021 hovudansvar for eitt av webinara i verdi-webinar-veka, med tema ung engasjement. Webinaret kan framleis sjåast på idrettskretsen sine youtube-sider.

Vi har deltatt i podcasten «TryggeUtøvere,» der vi snakka om verdien av dei frivillige, dei ulike retningane idrettane kan ta oss og kva idrettsglede kan føre til. Vi har vore med å skape kampanjevideoen «#takkfor» saman med Ungdomsråd på tvers i Idrettsklyngje Vest. Ungdomsråd på tvers er eit veldig godt samarbeid, som vi er sikre på vil vere ei styrke i andre prosjekt i framtida.

## Leiarkurs for ungdom

Idrettskretsen gjennomfører årlege leiarkurs for ungdom i alderen 15-19 år. Både i 2020 og i 2021 vart kurs utsett på grunn av pandemien. Det vart sett opp kurs på Skei i Sunnfjord hausten 2021, men det vart ikkje nok deltakarar til at kurset kunne gjennomførast då.

## Aktivitetsleiarkurs ungdomsidrett

Gjennom eit samarbeid med Idrett Bergen Sør fekk VIK i 2020 midlar i ordninga "Lågterskel fysisk aktivitet for barn og unge" for å utvikle eit aktivitetsleiarkurs for ungdomsidrett. Tiltaket er meint for å legge til rette for at ungdom får auka kompetanse og blir trygge i rolla med å vere aktivitetsleiatarar for ungdom. På grunn av koronasituasjonen er gjennomføring av kursa i prosjektet utsett.

Det vart gjennomført eitt aktivitetsleiarkurs ungdomsidrett for Sunnfjord kommune i forkant av ferieaktivitetar i regi av kommunen i 2021.

*Vidare skal idrettskretsen jobbe for at fleire kvinner vil vere trenarar, leiatarar og tillitsvalde.*

## Likestilling i idretten

Likestilling i idretten inneber i hovudsak like moglegheiter for kvinner og menn. Om vi ønskjer at idretten skal vere for alle er det viktig å gjere noko med kjønnsbalansen i norsk idrett. Dette gjeld både blant medlemmar, leiatarar, trenarar og anna støtteapparat.

Nettverket "Balanse" blei oppretta av Hordaland idrettskrets i 2018. Arbeidsgruppa har i perioden bestått av representantar frå Norges Fotballforbund Hordaland, Norges Håndballforbund Region Vest og Vestland idrettskrets. "Balanse" er eit nettverk for

å få fleire kvinner i idretten, på alle plan - både som trenarar, leiatarar og medlemmar. Balanse er viktig i ein kvar funksjon i idretten. Vi har stor tru på at fleire kvinnelege leiatarar og trenarar vil vere med å styrke og utvikle idretten. Den årlege Balanse-konferansen måtte utsetjast på grunn av situasjonen med covid-19. I februar 2021 gjennomførte vi webinaret "Kjønnsbalanse i norsk idrett". Elisabeth Faret frå NIF-styret stilte som foredragshaldar. Opptak av webinaret ligg på YouTube-kanalen til Vestland idrettskrets.

Norges idrettsforbund jobbar for kjønnsbalanse i norsk idrett. Målet er 40% kvinner i leiande posisjonar innan 2023.

## RESULTATMÅL

- **Utvikling i alder og samansetting av tillitsvalde, leiatarar og trenarar:** Sjå statistikkdel for leiatarar. Vi har ikkje tal på tillitsvalde og trenarar.
- **Utvikling i medlemsmassen, samansetting og medlemskap:** Sjå statistikkdel. Tala viser nedgang i medlemmar i året 2020. Det kan ha si årsak i fråfall knytt til koronapandemien, men òg endra regelverk når det kjem til teljing av betalande medlemmar.
- **Tal på allidrettstilbod i idrettslag:** Per 2020 har 92 idrettslag allidrettsgruppe.
- **Tal på kvinnelege leiatarar:** Pr. 31.01.22 var det 1 011 idrettslag med registrert leiar og fire utan leiar. Av desse var det 765 menn og 242 kvinner



Ungdomsutvalet i Vestland idrettskrets

f.v. medlem Nikolai Medle Bjånesøy, medlem Jeanette Heggen, nestleiar Eline Marie Nordhus Soltvedt og leiar Sara Stokken Rott.  
Medlemmane Adrian Stinessen Haugen og Mattias Sakstad var ikkje tilstades då biletet blei tatt.

# BETRE IDRETTSLAG

*Idrettskretsen skal mellom anna tilby klubbutvikling, styre- og økonomikurs og andre kompetansehevande tiltak og ha meir dialog med idrettslaga.*

## Klubbutvikling og dialog med idrettslaga

Idrettskretsen gjennomfører ei rekke kurs og prosessar som har relevans for målet om velfungerande og kompetente idrettslag med sunn økonomi og høg trivselsfaktor blant frivillige. Vi gjennomfører kursa både som opne felleskurs og ute i idrettslaga. Gjennom dialog med idrettslaga blir vi betre kjend med deira behov. Vi evaluerer systematisk kursa slik av vi ser kva for kurs idrettslaga opplever som nyttig for dei.

## Klubbens styrearbeid i praksis, KlubbAdmin og økonomikurs

Desse kursa er retta mot tillitsvalde i idrettslaga. På grunn av koronasituasjonen vart mange av kursa gjennomført digitalt eller som kombinasjon av digitalt og fysisk oppmøte. Nokre av dei planlagde fysiske kursa i 2020 vart utsett til 2021. Evaluering av kursa tyder på at deltakarane opplev kursa som nyttige for arbeidet dei gjer, med ein totalscore på 5.23 (av maksimalt 6) på spørsmål om kor nyttig kurset var totalt sett. Kursa blir evaluert med digitalt spørjeskjema. Nytt kurs i 2021 var kontrollutvalet sitt ansvar og oppgåver.

## Møte, klubbesøk og prosessar med idrettslag

Utanom kursa vi arrangerer, reiser idrettskretsen sine klubbleiarar ut til klubbar i til dømes klubbesøk, startmøte og verksamdsplanprosessar. I rapporteringsåra har vi hatt godt samarbeid med fleire særkretsar og særforbund og følgje opp ei rekke klubbar, både særidrettslag og fleiridrettslag.

## Dagleg leiar forum

Dei fem siste åra har vi arrangert forum for dagleg leiarar og administrativt tilsette i idrettslag. 2020 og 2021 var ikkje noko unntak. Denne gongen vart det arrangert som fysisk og digital samling og ei samling var heildigital. Informasjon om koronasituasjonen, besøk og innlegg frå NAV og Handel og kon tor fagforeining, innlegg om anlegg, aktivitetstilbod, HMS, økonomi samt gjennomgang av ei undersøking som var gjort i 2021. I tillegg får deltakarane diskutere ulike problemstillingar dei møter i kvardagen som dagleg leiarar.

## Delmål 1

Velfungerande og kompetente idrettslag med sunn økonomi



## Delmål 2

Høg trivselsfaktor blant frivillige

## Kurslærarar/rettleiarar

For å nå breitt ut til idrettslaga i heile fylket har idrettskretsen kurslærarar og rettleiarar som bidreg frå ulike stader i fylket. Kurslærarane og rettleiarane samlast årleg til erfaringsutveksling og kompetanseheving – i 2020 med to digitale samlingar og med ei digital samling i 2021. I tillegg tilbyr idrettsforbundet kompetanseheving i form av kurslærarsamling, men i 2020 og 2021 gjekk denne samlinga ut på grunn av koronasituasjonen og restriksjonar mot slike arrangement.

## Brukarundersøking

I august 2021 gjennomførde vi ei brukarundersøking blant organisasjonsledda i idrettskretsen. Der vil vi finne ut korleis organisasjonsledda opplev kontakten med idrettskretsen, korleis dei opplev informasjonen/kommunikasjonen med idrettskretsen og kva tiltak dei har vore med på og er interessert i framover. Undersøkinga blei sendt ut til idrettslag, idrettsråd og særkrets/region.

*Vestland idrettskrets skal bidra til å sikre trygge sosiale rammer i idretten.*

## Trygg på trening

«Trygg på trening» er eitt av tiltaka idrettskretsen gjennomfører for å sikre trygge sosiale rammer i idretten. Trygg på trening handlar om arbeidet mot seksuell trakkassering og overgrep, og gjennomførast som ein prosess med foredrag og utarbeiding av etiske retningslinjer og beredskapsplan i idrettslaget. Trygg på trening skjer i samarbeid med Nok. Bergen (tidlegare SMISO Hordaland) og Nok. Sogn og Fjordane. Vi var første idrettskrets som signerte formelle samarbeidsavtaler med Nok.-sentera.

Det har i dei to åra vore interne foredrag i 14 klubbar og tre særforbund/-kretsar, årleg foredrag for studenter på Høgskulen på Vestland i Bachelor idrett-utdanninga, møter med ei rekke klubbar, 8 opne foredrag rundt om i fylket og digitalt, der eitt var i samarbeid med idrettsråd og andre som ikkje fekk hatt grunna koronarestriksjonar.

## #Stopp

Norges idrettsforbund har gjennom året arbeidd med saker som rasisme, homohets, kjønnshets og andre former for diskriminering. Det er utarbeidd rettleiarar om rasisme, vald og trugsmål, samt seksuell trakkassering og overgrep. Norsk idrett har nulltoleranse for alle former for trakkassering og diskriminering. I slike landsomfattande tiltak bidreg idrettskretsen med informasjon ut til våre organisasjonsledd, samt handtering av saker som vert meldt til oss.

## Regnbogedagane - Bergen Pride

Regnbogedagane er ein festival der ein blant anna ønskjer å synleggjere kjønns- og seksualitetsmangfaldet, og idrettskretsen deltar for å vise at idretten er for alle uansett kven du er glad i. I 2020 vart det ingen parade, men i 2021 blei gateparaden bytta ut med ein båtparade. Vestland idrettskrets stilte med ein båt som var pynta med banneret «Idrettsglede for alle» og flagg frå 12 ulike idrettslag.

## VerdiWebinarVeke



For å kunne gje idrettslaga og medlemmane våre eit godt tilbod i pandemien var vi nøydde til å tenke nytt med tanke på gjennomføring. I tillegg til at mange av kursa våre blei gjennomført digitalt bestemte vi oss for å ha fokus på verdiarbeid våren 2021. Vi landa på å gjennomføre direktesendte webinar frå Idrettens Hus i Bergen og Førde under namnet VerdiWebinarVeke. Åtte ulike tema blei valt og blei gjennomført i løpet av to veker i tillegg til eitt webinar i juni. Under sendingane var det alt frå 10-25 på dei ulike webinara. Dei er òg lagt ut på YouTube slik at dei kan sjåast i opptak. Det er no kring 500 visningar. Dette er verdiwebinara som blei gjennomført:

- Trygg på trening
- Rasisme i idretten
- Paraiddrett i idrettslag – Ja, alle kan vere med!
- Kva betyr det eigentleg å vere utanfor i idretten?
- Midla som lovar draumekroppen
- Ubevisst doping, når bryt ein reglane?
- Kjønnsbalanse i norsk idrett
- Ung medråderett og ung engasjement
- Jævla homo! – Idrett, homohets og språkbruk

## Fri-sone



Vestland idrettskrets er første idrettskrets med ei Fri-sone. Vestland idrettskrets vil at alle skal vere frie frå å bli utsett for blant anna vald og hatefulle ytringar. Difor har vi lært oss meir om hatkriminalitet og erklærer at vi er ei Fri-sone. Vi vil stå opp mot hatkriminalitet, og oppfordre andre til å gjere det same.

Styreliar Nils R. Sandal:

*“Vi i idretten arbeider heile tida for å gjere organisasjonen vår og våre aktivitetar trygge og meiningsfulle for alle. Skal vi nå dette målet på ein god måte vil vi også legge til rette for at hatkriminalitet ikkje finn stad hjå oss. Derfor er vi i Vestland idrettskrets glade for at vi no kan kalle oss “Fri-sone”.*

*Vi skal nytte denne statusen til å søke kunnskap og formidle dette i vår organisasjon. Vi skal saman kvar dag gjere denne til handling. På denne måten kan vi raskare nå vår visjon om idrettsglede for alle.” [www.fri-sone.no](http://www.fri-sone.no)*

*Idrettskretsen skal bidra til implementering av digitaliseringsløftet og sikre at digitaliseringsløftet gjer kvardagen enklare i idrettslaga.*

Gjennom dei siste åra har idrettsforbundet jobba for å gjere kvardagen enklare for idrettslaga, gjennom å betre dei digitale løysingane. I slikt landsomfattande arbeid bidreg idrettskretsen med informasjonsformidling ut til idrettslaga, samt råd og rettleiing. NIF-Digital har til dømes vidareutvikla idretten sitt medlemssystem KlubbAdmin med felles innmeldingsløysing, samt arrangementsløysinga Isonen og Idrettens Office 365 vart tilbydd gratis til idrettslaga i 2020. På grunn av koronasituasjonen vart det til dømes også utvikla ei nettside for besøksregistrering. Det går føre seg eit kontinuerleg utviklingsarbeid innanfor dei digitale løysingane, der idrettskretsen aktivt formidlar tilbakemeldingar og forslag til forbetring til idrettsforbundet.

# RESULTATMÅL

- Færre melde konfliktsaker:** Ikkje registrert/vore gjort målingar av dette.
- Medlemskapstal:** Sjå statistikk.
- Måle effekt av digitaliseringsløftet:** Ikkje mogleg å måle
- Talet på melde saker om økonomiske utfordringar:** Estimert mellom 150-200 idrettslag som årleg tek kontakt om ulike problemstillingar.
- Talet på tiltak retta mot ungdom:** Årleg basistreningssamling for ungdom og gjennomført del 2 av Leiarkurs for ungdom i 2020. Eitt aktivitetsleiarkurs ungdom. Oppretta og vedtatt mandat for Ungdomsutvalet.

## Talet på kompetansehevande tiltak:

Type kurs/tiltak	2020	2021
Anleggskurs (nytt 2020)	1	3
Dagleg leiar samling	1	2
KlubbAdmin	13	15
Klubbens styrearbeid i praksis	10	8
Klubbesök/klubbtiltak	10	33
Kontrollutvalets ansvar og oppgåver	0	1
Rettleiarsamling/møte	2	1
Start- og oppfølgingsmøte	1	2
Trygg på trening	14	17
Verksamhedsplan	1	0
Økonomikurs	3	2
Totalt	56	81

*Fig 13*

Ein del av kursa/tiltaka vart gjennomført digitalt.



*Trygg på trening foredrag i IL Gneist, Turngruppa 2021.*



foto: Grethe Hillestad

## Delmål 3

Gode rammevilkår  
i idrettslaga



Med bakgrunn i SSB sin satellittrekneskap for ideelle og frivillige organisasjoner kan vi beregne verdien av det frivillige arbeidet i idretten. Berekninga forutset at frivilligheita er likt fordelt på alle medlemskap. Tabellen under viser verdien av frivillig arbeid i idretten i Vestland idrettskrets basert på samordna rapportering 2020.

<b>Idrettsråd</b>	<b>IL</b>	<b>Medlemskap</b>	<b>Verdi</b>
Alver idrettsråd	38	8 637	78 141 161
Askvoll Idrettsråd	7	972	8 793 934
Askøy Idrettsråd	41	7 991	72 296 633
Aurland Idrettsråd	1	288	2 605 610
Austevoll Idrettsråd	8	1 337	12 096 183
Austrheim Idrettsråd	3	479	4 333 636
Bjørnafjorden idrettsråd	41	7 140	64 597 417
Bremanger Idrettsråd	7	901	8 151 579
Bømlo Idrettsråd	20	3 451	31 222 085
Eidfjord Idrettsråd	2	238	2 153 247
Etne Idrettsråd	8	1 237	11 191 457
Fedje Idrettsråd	1	142	1 284 711
Fitjar Idrettsråd	3	786	7 111 144
Fjaler Idrettsråd	7	1 118	10 114 834
Gloppen Idrettsråd	16	3 179	28 761 231
Gulen Idrettsråd	9	921	8 332 524
Hyllestad Idrettsråd	3	393	3 555 572
Høyanger Idrettsråd	8	1 443	13 055 192
Idrettsrådet i Bergen	367	91 095	824 159 902
Kinn idrettsråd	31	4 808	43 499 213
Kvam Idrettsråd	28	3 065	27 729 844
Kvinnherad Idrettsråd	23	3 875	35 058 122

<b>Idrettsråd</b>	<b>IL</b>	<b>Medlemskap</b>	<b>Verdi</b>
Luster Idrettsråd	10	1 871	16 927 418
Lærdal Idrettsråd	4	1 208	10 929 087
Masfjorden Idrettsråd	6	670	6 061 662
Modalen Idrettsråd	1	178	1 610 412
Osterøy Idrettsråd	11	1 963	17 759 766
Samnanger Idrettsråd	2	305	2 759 413
Sogndal idrettsråd	19	4 874	44 096 332
Solund Idrettsråd	2	245	2 216 578
Stad idrettsråd	20	3 425	30 986 856
Stord Idrettsråd	40	6 146	55 604 443
Stryn Idrettsråd	13	2 876	26 019 912
Sunnfjord idrettsråd	28	6 136	55 513 971
Sveio Idrettsråd	6	677	6 124 993
Tysnes Idrettsråd	10	1 173	10 612 433
Ullensvang idrettsråd	24	3 457	31 276 368
Ulvik Idrettsråd	4	285	2 578 468
Vaksdal Idrettsråd	10	1 318	11 924 285
Vik Idrettsråd	4	423	3 826 990
Voss idrettsråd	46	8 844	80 013 943
Øygarden idrettsråd	49	9 346	84 555 667
Årdal Idrettsråd	6	1 506	13 625 169
<b>SUM</b>	<b>987</b>	<b>200 422</b>	<b>1 813 269 399</b>

Fig 14 Tabellen over viser verdien av frivillig arbeid i idretten i Vestland idrettskrets basert på samordna rapportering 2020.

*Idrettskretsen skal bidra til at idrettslaga har nødvendig kunnskap for å sikre god økonomistyring.*

Vestland idrettskrets har i 2020 ført rekneskap for to idrettskretsar, ni særkretsar og åtte idrettslag. Totalt er det ført rekneskap for 19 eininger, samt lønn og konsulentbistand til to eininger. I 2021 vart det ført rekneskap for to idrettskretsar, eitt særforbund, ni særkretsar og ni idrettslag. Totalt er det ført rekneskap for 21 eininger, samt lønn og konsulentbistand til to eininger. Idrettskretsen tilbyr økonomikurs for idrettslaga, samt råd og rettleiing i saker som vert meldt til oss gjennom idrettslaga.

*Idrettskretsen skal jobbe med politisk påverknad for å styrke rammevilkåra for organisasjonsledda og jobbe for at idrettslaga skal få auka tilskot.*

Idrettskretsen har arbeidd med politisk påverknad på fleire nivå. Nasjonalt har det vore arbeidd saman med NIF for å styrke sentrale støtteordningar og krisepakkar. VIK har også hatt kontakt med stortingspolitikarar frå vårt fylke. VIK har vore involvert i den nasjonale kartlegginga av økonomiske konsekvensar for idrettslag knytt til pandemien. I dette arbeidet har vi bidratt i innhenting av opplysningar frå idrettslag

knytt til bortfall av inntekter ved arrangement som må avlysast, og andre økonomiske konsekvensar som idrettslaga opplevde. Den første krisepakken trefte dårleg. Dei påfølgande krisepakkane trefte langt betre, og kunne hjelpe idrettslaga gjennom dei største økonomiske utfordringane.

Regionalt har vi hatt tett dialog med Vestland fylkeskommune. Fylkeskommunen sette av kr. 2 035 000 til idrettskretsene som ekstraordinært tilskot knytt til pandemien. Dette beløpet blei i sin heilskap vidareformidla til særkretsar/regionar som hadde søkt på ordninga. I 2021 vart kr. 1 787.000 fordelt til særkretsar/regionar samt Vestland idrettskrets og Olympiatoppen Vest.

På lokalt nivå har idrettsråda vore følgd opp med tanke på mogelege støtteordningar og tiltak i den enkelte kommune. Bergen kommune sette av kr. 27,5 millionar kroner som ekstra tilskot til idrettslaga i 2020. VIK har hatt orienteringar og peikt på utfordringar for ordførarar i kommunar i Vestland.

I dei siste månadane i 2021 vart det frå idrettsorganisasjonen arbeidd for å avgrense skadeverknadane av høge straumprisar for idrettslaga. Utfordringa med høge straumprisar har vore særleg stor for idrettslag som eig og driftar eigne anlegg.

### Lokale aktivitetsmidlar (LAM)

Målsettinga med tilskotsordninga er å bidra til aktivitet og deltaking i medlemsbaserte foreiningar som driv idrett og fysisk aktivitet for barn og ungdom. Det er laga sin primæraktivitet som skal støttast og ordninga skal understøtte den frivillige innsatsen i laga. Idrettsrådet i den enkelte kommune fordeler midlane ut frå vedtekne kriterium.

Lokale aktivitetsmidlar 2017-2021




Fig 15

År	Beløp Vestland
2017	41 436 390
2018	45 056 381
2019	45 528 386
2020	45 295 947
2021	50 996 463

Fig 16

### Momskompensasjon varer og tenester

Momskompensasjon varer og tenester 2017-2021




Fig 17

Talet på idrettslag som har søkt om momskompensasjon for varer og tenester var stabilt fram til 2020 då det var færre idrettslag som søkte. I 2021 er søkartalet det same som for 2020. Det er eit potensial for at fleire idrettslag søker på denne ordninga.

År	Beløp	Tall idrettslag søkt	Prosent av alle IL
2017	39 817 909	640	62%
2018	42 688 536	643	63%
2019	53 077 797	650	64%
2020	52 687 663	604	60%
2021	52 086 350	603	60%

Fig 18

### Momskompensasjon idrettsanlegg

Idrettslag som bygger eigne idrettsanlegg kan søke om å få kompensert betalt meirverdiavgift. Ordninga omfattar anlegg som har hatt byggstart etter 01.01.2010 og som er omfatta av spelemiddelordninga.

Momskompensasjon idrettsanlegg 2017-2021




Fig 19

Utviklinga i momskompensasjonsordninga for idrettsanlegg for idrettslaga i Vestland har vore slik:

År	Tal søknadar	Beløp
2017	78	17 103 436
2018	77	23 786 199
2019	81	49 294 235
2020	62	34 891 917
2021	63	30 633 540

Fig 20

## Særkretstilskot

I 2020 tildelte Vestland idrettskrets 1 700 000,- til særidrettane i Vestland. 1 600 000,- til særidrettar med regionalt ledd og 100 000,- til idrettar utan regionalt ledd.

I 2021 tildelte Vestland idrettskrets 1 750 000,- til særidrettane i Vestland. 1 650 000,- til særidrettar med regionalt ledd og 100 000,- til idrettar utan regionalt ledd.

## Grasrotandel

Norsk Tipping genererte 737 millionar kroner i grasrotmidlar i 2021. Dette er ei auke på 20 millionar kroner frå 2020 og ein auke på 39 millionar frå 2019.

År	Norge	Totalt i Vestland	Idrettslag i Vestland
2019	698 mill	94 mill	41,8 mill
2020	717 mill	94 mill	40,6 mill
2021	737 mill	96 mill	41 mill

Fig 21

## Ekstraordinære koronamidlar frå Vestland fylke

Hovudutval for kultur, idrett og integrering i Vestland fylkeskommune vedtok 16.09. ei ny tilskotsordning med ekstraordinære midlar til kultur- og idrettsaktivitet som er berørt av koronasituasjonen. Det er samla kr 17 883 000 til fordeling innanfor desse områda: idrett og friluftsliv, frivillig kulturliv og profesjonelt kulturliv

Vestland idrettskrets koordinerte denne ordninga for idretten. Idretten fekk 2 035 000,- gjennom denne ordninga.

## Statlege koronakrisepakkar gjennom Lotteritilsynet

Under koronapandemien har staten oppretta fleire krisepakkar som idrett og kultur kan søke om kompensasjon gjennom.

Krisepakkar	Tildelt beløp til idrettslag i Vestland	Tal søknadar
Krisepakke 1 - 2020	12 166 735	106
Krisepakke 2 - 2020	63 668 799	250
Krisepakke 3 - 2020	33 420 357	223
Krisepakke 4 - 2021 Covid-tilskot til publikumsarrangement av nasjonal verdi idrettssektoren	11 348 310	9
Krisepakke 4 - 2021 Covid-tilskot i forbindelse med arrangement eller aktivitetar	34 800 020	240

Fig 22

## RESULTATMÅL

- Korleis idrettslaga, idrettsråda og særkretsane opplever samarbeidet med idrettskretsen:**  
*Brukarundersøking* - Vi fekk inn svar frå 165 idrettslag, 19 idrettsråd og 16 særkretsar/regionalar. Sjølv om vi kunne ønska oss fleire svar gav det oss nokre svar som vi har jobba vidare med. Undersøkinga syner at organisasjonsledda stort sett er veldig fornøgd med hjelpa dei får når dei er i kontakt med oss. Men nokre få hadde problem med å finne kontaktinfo og hadde problem med å få kontakt med oss. Mange visste heller ikkje kva vi kunne hjelpe organisasjonsledda med, spesielt idrettslag. Dette har vi tatt tak i blant anna ved å lage ei brosjyre som fortel kva vi gjer og som er sendt ut til organisasjonsledda. Undersøkinga gav oss i tillegg eit grunnlag for å tilby forskjellige typar tiltak/kurs til organisasjonsledda utifra dei innrapporterte behova.

- Utvikling i tilskot til idrettslag:**  
Sjå figur 15-22 side 25 og 26.



# FLEIRE OG BETRE IDRETTSANLEGG

*For å nå målet skal idrettskretsen mellom anna bidra til å utarbeide gode behovsanalysar lokalt av anleggsbehov og vere ei støtte for idrettsråd, særkretsar og idrettslag i interne prosessar knytt til anlegg. Idrettskretsen skal ha god kontakt med politikarar og offentleg administrasjon.*

I 2019 vart stillinga “anleggs- og utviklingskonsulent” oppretta, og gjennom tilsetjing her har det vore regelmessig dialog med ulike organisasjonsledd i ulike anleggsfaglege spørsmål.

Som ein del av vedteken anleggsstrategi i Norges idrettsforbund “Idretten skal fleire og betre anlegg” har Vestland idrettskrets spelt inn anlegg til anleggs-politisk program. I desse innspelsrundane har idrettsråd og særkretsar/regionar blitt invitert til å melde inn anlegg til programmet. I forslaget til anleggspolitisk program er det tre hovedkategoriar:

- Større trenings og rekrutteringsanlegg
- Strategisk viktige anlegg for særforbund og idrettskretsar
- Etablering eller oppgradering av meisterskaps-anlegg

Basert på innspel frå organisasjonsledda i fylket har Vestland idrettskrets gjeve sine innspel vidare der endeleg prioritering vert gjort av idrettsstyret. Dessverre har det ikkje blitt gjennomslag for tildeling av midlar til anleggspolitisk program i hovudfordelinga på spelemidlar i 2020 og 2021, men arbeidet med å få denne ordninga på plass held fram.

Idrettskretsen har vore representert i idrettsråda sine årsmøte eller andre møte der anleggsspørsmål har vore tema og bidrige med faglege råd og deleke på synfaringar saman med idrettsråda i anleggssaker lokalt i kommunane.

Idrettskretsen samhandlar med Vestland fylkeskommune i arbeidet med anlegg, til dømes gjennom bidrag i ulike møte og konferansar, og i møte med kommunane med tema revisjon av kommunalplan for fysisk aktivitet.

## Delmål 1

Ha fleire og betre idrettsanlegg



I 2021 inngjekk Vestland fylkeskommune og Vestland idrettskrets ein 4-årig samarbeidsavtale knytt til berekraftige idrettsanlegg. Hovudmåla i avtalen er å få eit sterkare fokus på berekraft i planlegging, bygging og drift av idrettsanlegg. Det er også eit mål å bidra til at idretten får auka kompetanse innan området samt å knytte til seg kompetanse frå forskings- og utviklingsmiljø knytt til anleggsspørsmål. Ein del av avtalen har fokus på eit samarbeid knytt til prosess ved rullering av kommunale planar for idrett og friluftsliv i kommunane. Intensjonen i avtalen er at fylkeskommune og idrettskrets saman reiser ut i kommunane ved hovudrullering og bistår både idretten og kommuneadministrasjon i samband med rullering av plan.

*Idrettskretsen skal skape gode møteplassar med anleggsfaglege tema, og bidra til at idretten tek eit miljøansvar ved planlegging, bygging og drift av idrettsanlegg. Idrettskretsen skal ha ei koordinerande rolle overfor særkretsar og regionar.*

Det var i mars 2020 planlagt anleggskonferanse på Voss med eit breitt program, mellom annan innanfor miljøvenleg drift av idrettsanlegg. Konferansen måtte desverre utsetjast på grunn av koronasituasjonen. I oktober 2021 vart anleggskonferansen gjennomført med god deltaking både frå offentleg tilsette som har idrett som arbeidsområde og frå idrettslag og idrettsråd.

Idrettskretsen har vore på anleggsbesøk saman med idrettsråd, særkretsar og kommunar, og delteke aktivt på samlingar for kommunane og fylkeskommunen med anleggstema i den grad det har late seg gjennomføre.

*Idrettskretsen skal jobbe for auka finansiering/større del av spelemidlar*

Oppnådd prosentandel spelemidlar varierer ein del mellom dei ulike anleggstypene. Grunnen til dette er at makssatsen for tilskot for anleggstypen ikkje alltid harmonerer med den reelle byggjekostnaden for

enkelte anleggstypar. Dei oppnår dermed ein lågare prosentandel spelemidlar. Det har vore arbeidd anleggs politisk med å heve tilskotssatsane på anlegg som oppnår lågast prosentandel spelemidlar, men ein har ikkje fått gjennomslag for auke. Auke i satsane vil kunne bidra til auka etterslep dersom ikkje totalramma på tildelte spelemidlar aukar tilsvarande noko som gjev utfordringar når dei økonomiske rammene ikkje blir større.

Idrettskretsen har ein god dialog med fylkeskommunen i anleggssaker og saker om spelemidlar og tildeling av midlar. Åra 2020 og 2021 var spesielle år på grunn av pandemi og sterke avgrensingar i aktiviteten i idrettslaget noko som også påverka inntektene og kostnadane for anleggseigarane. Før spelemiddel-

tildelinga i 2020 sende kulturdepartementet ut ei oppmøding til fylkeskommunane om at ein ved årets tildeling prioriterte anlegg som var eigd og drifta av frivillelege organisasjonar og dette vart til ein viss grad teke omsyn til ved endeleg tildeling.

Samla fekk fylket tildelt kr 191 millionar til fordeling i 2020 mot kr 226 millionar i 2019. For 2021 vart fylket tildelt kr 209 millionar. Søknadssummen for 2019 var rekordhøg nasjonalt etter mange kommunesamslåingar som utløyste mange anleggsutbyggings.

Nasjonalt har det vore relativt stor auke i søknadsmassen dei siste åra, noko som påverkar ventetida på midlar.

Tabell 4: Fylkesvis fordeling spelemidlar 2021

Fylke	Søknadsbeløp	Folketal	Anleggsdekning	Fylkesvis fordeling	% Innvilga
Agder	347 590 000	308 843	169,322	95 306 000	27,42
Innlandet	447 269 000	370 603	134,814	108 577 000	24,28
Møre og Romsdal	371 786 000	265 544	119,025	88 182 000	23,72
Nordland	434 258 000	240 345	133,081	94 719 000	21,81
Oslo	180 036 000	697 010	588,691	156 299 000	86,82
Rogaland	631 294 000	482 645	203,476	154 381 000	24,45
Troms og Finnmark	322 445 000	242 168	142,788	80 213 000	24,88
Trøndelag	741 978 500	471 124	184,9	167 269 000	22,54
Vestfold og Telemark	387 125 000	421 882	196,59	121 492 000	31,38
<b>Vestland</b>	<b>957 592 000</b>	<b>638 821</b>	<b>190,012</b>	<b>209 243 000</b>	<b>21,85</b>
Viken	1 256 800 000	1 252 384	258,117	292 840 000	23,30
<b>Noreg</b>	<b>6 078 173 500</b>	<b>5 391 369</b>		<b>1 568 521 000</b>	<b>25,81</b>


Fig 23

Tabell 1: Fylkesvis ventetid 2021

Fylke	Søknadsbeløp	Fylkesvis fordeling	Etterslep	Ventetid
Agder	347 590 000	95 306 000	252 284 000	2,65
Innlandet	447 269 000	108 577 000	338 692 000	3,12
Møre og Romsdal	371 786 000	88 182 000	283 604 000	3,22
Nordland	434 258 000	94 719 000	339 539 000	3,58
Oslo	180 036 000	156 299 000	23 737 000	0,15
Rogaland	631 294 000	154 381 000	476 913 000	3,09
Troms og Finnmark	322 445 000	80 213 000	242 232 000	3,02
Trøndelag	741 978 500	167 269 000	574 709 500	3,44
Vestfold og Telemark	387 125 000	121 492 000	265 633 000	2,19
<b>Vestland</b>	<b>957 592 000</b>	<b>209 243 000</b>	<b>748 349 000</b>	<b>3,58</b>
Viken	1 256 800 000	292 840 000	963 960 000	3,29
<b>Noreg</b>	<b>6 078 173 500</b>	<b>1 568 521 000</b>	<b>4 509 652 500</b>	<b>2,88</b>

Fig 24

For å kunne samanlikne tar vi med at søknadsbeløpet i 2020 var kr. 948 917 000 for Vestland. Tildelt beløp for Vestland var kr. 191 793 000, og etterslepet utgjorde etter dette kr. 757 124 000. Ventetida i 2020 var 3,95 år.



# RESULTATMÅL

- Type og tal på anlegg, dekningsgrad:** Det er utarbeidd statistisk materiale på anleggsdekning i forhold til innbyggjartal i kvart fylke. I eit stort fylke som Vestland vil det naturlegvis vere variasjon innan fylket når ein bryt talla ned på kommunenivå. Dette saman med utbreiing av dei ulike idrettane vil vere viktig i det anleggspolitiske arbeidet vidare. [Sjå statistikkdel?](#)
- Antal pågåande anleggsprosessar:** Det er ikkje ført logg på henvendingar i anleggsspørsmål, men det har vore gjeve råd utfrå behov både til idrettslag, idrettsråd og særketsar. Idrettskretsen er i ein utviklingsfase med tanke på ny stilling på anlegg, og den spesielle situasjonen med pandemi har sett avgrensingar for utadretta verksemd i form av fysiske møteplassar. Sjå statistikkdel?
- Tildelte spelemidlar 2020:** [Sjå statistikkdel?](#)
- Gjennomførte kompetansetiltak med fokus på miljøvenlege løysingar ved bygging og drift av anlegg:** Det var i 2020 opna for påmelding til anleggskonferanse saman med fylkeskommunen med mellom anna miljøtema på programmet, men denne måtte avlysts pga covid-19. Konferansen vart gjennomført i 2021 med mellom anna miljøfokus i anleggsutviklinga. Saman med fylkeskommunen og ein del andre aktørar var vi med som arrangør av digital kulturkonferanse. Her hadde ein eit foredrag frå idretten som gjekk på berekraft og miljø ved idrettsarrangement der ein fekk vist fram arrangement som har omstilt seg for å bidra positivt i klimarekneskapen.
- Systematisk dokumentasjon av anleggsbehova:** Ein har fått tilgang til eit bra verktøy i power BI som vil kunne vere nyttig i høve å synleggjere anleggsdekning ut frå innbyggjar-, medlems-, og aktivitetstal. Spesielt viktig for idrettsråda og deira arbeid.



Fana Arena

## Delmål 2

Sikre tydeleg samanheng mellom behov og anleggsbygging



*Idrettskretsen mellom anna hjelpe og rådgje idrettsråd i høve planprosessar i kommunen, og styrke anleggskompetansen i idrettsråda.*

### Revisjonsmøte kommunale planar for idrett

I samband med hovuedrevisjon av kommunale planar for idrett og friluftsliv i kommunane var det planlagt å delta på revisjonsmøte saman med fylkeskommunen. På grunn av korona har dette ikkje vore gjennomført. Gjennom samarbeidsavtalen med fylkeskommunen skal dette arbeidet prioriterast og det vil bli gjort når situasjonen er slik at det let seg gjennomføre.

### Fagtema på møte i idrettsråda

I samband med årsmøte i idrettsråda har det komme ønskje om anleggsfaglege tema. Dette har administrasjonen bidrige med utfrå lokale ønskje og behov. I 2021 kom det ny forskrift knytt til kunstgras med fokus på å unngå spreiing av plast og gummigranulat til naturen. Fleire idrettsråd har hatt dette som tema på årsmøte og administrasjonen har bidrige med formidling av innhaldet i forskrifta.

### Anleggskurs

Idrettskretsen har gjennom si rolle i fagteam for anlegg i Idrettsforbundet vore med å utvikla eit nytt anleggskurs for idrettslag. Anleggskurset vart gjennomført på Idrettens Møteplass i og på samling for daglege leiarar i idrettslag i 2020, medan ein i 2021 gjennomførte kurs i Austevoll.

Kurset gjev grunnleggande informasjon om spelemidlar og søknad samt generelle råd i prosessen frå idé til ferdig anlegg og kan køyrast både for idrettsråd, idrettslag og særgrupper der tilbakemeldingane er at det er behov for å styrke kompetansen på området.

Dette er eit fysisk kurs på 2 timer og det har vore utfordrande å få gjennomført fysiske kurs i tingperioden. Tilbakemeldingane frå dei som har gjennomført kurset er positive og at det har dekka eit behov som idrettslaga og idrettsråd har hatt innanfor området.

## *Idrettskretsen skal utarbeide oversikt over anleggsdekning og framtidige behov.*

Norges Idrettsforbund har utvikla eit nytt analyseverktøy knytt til anlegg, kommune og spelemidlar. Med dette verktøyet som er knytt til kulturdepartementet sitt anleggsregister vil ein kunne ta ut ulike statistikkar som viser anleggsdekning, utviklingstrekk, samtildeling av spelemidlar som kan knytast opp mot innbyggjartal i den enkelte kommune eller fylke. Med litt vidareutvikling vil dette kunne bli eit godt verktøy til bruk i anleggsplanlegging både i idrettsråda og idrettslag. Dette kan nyttast for å kartlegge status og vise anleggsdekning for å synleggjere behov i forhold til medlems/aktivitetstala i den enkelte idrett i kommune og fylke.

## RESULTATMÅL

- Aktivitet og bruksgrad:** Idrettskretsen har bistått idrettslag og idrettsråd i plansaker med råd i høy- ringssaker i kommunar, samt i samband med rullering av kommunale planar. På grunn av kovid 19 vart det ikkje gjennomført slike prosessar etter nedstengingane.
- Måle om ein har bygd dei rette anlegga:** Det er ikkje gjennomført målingar.

### Delmål 3

Jobbe for gratis bruk for barn og unge



*Idrettskretsen skal kartlegge anleggs-dekning, anleggsbehov og status på brukarbetaling ved bruk av idretts-anlegg.*

Idretten har analyseverktøy som hentar rapportar basert på kommunen sine kostratal. Her kan vere ulik rapportering frå kommune til kommune, som gjer at tala ikkje alltid er samanliknbare mellom kommunar og ikkje alltid gjev rett bilde av støtta den enkelte kommune gjev til idretten.

I 2020 og 2021 har det vore ein ekstraordinær situasjon med omsyn til bruk og betaling for idrettsanlegga.

Ein har bistått idrettsråda og idrettslag som har hatt utfordringar knytt til betaling for bruk av anlegg. Generelt har ein hatt fokus på å få redusert betalinga for bruk av kommunale anlegg via idrettsråda og her er ekspempel på at ein i enkeltkommune har fått redusert leiga med 20% ved å få sett temaet på dagsorden, noko som viser at det hjelper. Samtidig viser det seg at det er stor variasjon mellom kommunane og betaling for bruk av anlegg.

### Sikre informasjon om støtteordningar for utsette grupper

Clubbutviklar inkludering informerer jamleg idrettslag og idrettsråd og andre samarbeidspartar om støtteordningar som treff målgruppa idrett, inkludering og mangfold. Søtteordningane blir òg informert om på våre nettsider.

## RESULTATMÅL

- Status kommunar med gratis bruk av anlegg for barn og unge:** Vi får ut rapportar på dette i Power BI, basert på kostratal kommunane har rapportert inn. Tilbakemeldingar frå kommunane er at desse tala er av variabel kvalitet på grunn av ulik måte å rapportere på. Når datakvaliteten er ulik må vi bruka tala med omtanke. Dei idrettsråda som har signalisert behov for tal for dokumentasjon i sin kommune har fått desse. Ein kan håpe på at ein ved å bruke tala kan bidra til at kommunane vert flinkare til å få ei meir lik innrapportering slik at tala mellom kommunane er rette og meir samanliknbare.
- Redusert brukarbetaling rekna frå 2019:** Det har vore ein ekstraordinær situasjon i 2020 og 2022. Vestland idrettskrets bistår idrettsråd med råd for å få redusert brukarbetaling, og ein kommune fekk som følgje av det reduksjon med 20 %. Dei fleste idrettslag har i 2020 og 2021 fått redusert leige som følgje av nedstenging av aktivitet og at anlegga dermed er vesentleg mindre brukt enn i eit normalår.



